

lium, neque arborum, neque maris genitura succinum esse poterit, postquam fossilis certa matrix in telluris gremio summa accuratione demonstrata fuit.

SECTIO TERTIA.

Rudis succini, & illorum, quæ in eodem apparent, aut ipsi adhærent, vel includuntur, consideratio.

CAP. I.

Collectio succini; an molle vel durum ex matrice prodeat?

§. I.

ET mare, & terra in Prussiam succinea dona confert: Sed maris dona partim in litore leguntur, partim ex aqua hauriuntur: Vadoſo ſcil. mari, signis apparentibus, coloni reticulis conto affixis fundum verrunt, aut fluctibus volventibus eadem adverſa opponunt; hæc quæ *haustilia*: reliqua, inter ejectamenta, quæ natantia prædæ indicium faciebant, algarum, ſarmentorum, lignorum aut arenarum ſedulò invēſtigantur & ſeliguntur, *lectag* audiunt.

II. Ex terra verò quæ fodiendo acquiruntur, *fossilia* appellantur: Amam longiori conto præfixam venæ, in montium litoreorum jugis conſpicuæ, admovent, tentando ſicubi glebam *ligno* immersam offendant, quâ animadversâ *lignum* leniter radunt, amâque ſubiectâ glebas excipiunt, exceptasq; adducunt, ſacculoque à collo pendulo indunt.

III. Fodinas ſubterraneas *Litus Sudavicu*m ignorat; in exterioribus partibus foſſorum opera hæret, *foſſioque* ad venarum ductum priscis ignota MAGNI FRIDERICI WILHELMI auspiciis primum montes exercuit.

IV. Nec

IV. Nec tamen ubique fossioni patet litus, sed certorum recessuum juga ista operâ fatigantur; Grosshubnicken/Groß-Dirschfeini/Warnicen/Strobschnee/Palmnig; & sicuti matrix lignea se conspiciendam præbet, atque ad eandem facilis ac tutus est aditus.

V. Succinum uti ex matrice producitur, quod in fossorum operas intentus ipsem expertus sum, rigidum & durum tactu dignoscitur: contingit aliquando frangi dum protrahitur, sed vitio glebæ; Succinum enim succino duritie præstat.

VI. Non pauci tamen & prisco & nostro ævo mollia ac liquida; quidam ab alterâ parte dura, ab alterâ mollia succina sibi visa jactitarunt: quæ mihi isto nomine oblata, nec fragrantia, nec sapore, nec deflagratione se succina probarunt; casu itaque inter haustilia reperta bitumina istis Auctoribus in succineum censum referre placuit. Verum & picea gleba, & carbo fossilis, & segmentum pice navali obductum, aliaq; plura unâ à fluctibus maris in litus projecta, istâ ratione succinei censûs habenda forent.

VII. Opinio, quæ in fundo matis scaturigines liquidi bituminis commenta elt, ut à salsugine maris coagulatum succinum haberet, mollia istiusmodi succina peperit: Neque hauiendo, neque fodiendo, neque legendo sibi mollia cognita, illi qui rerum succinarum assiduam curam gerunt, asseverarunt omnes: Ipse, magnos succinorum rudium acervos per scrutatus sedulò, nullum molle adverti, quod virtutis experimento succinci generis agnoverisset.

VIII. Vulgo persuasum est, discriminem fossilia & haustilia intercedere, duritie potissimum, & puritatis, ac crustæ diversis notis. Verum falluntur, qui istud in animum inducunt ut credant: Evenit ut extra matricem alienis in locis sepulchorum robur aut color aliquid virii contrahat, crassiori etiam crustâ superinductâ; hi tamen casus nativorum differentiam minimè inferent: Äquè intra colles submarinos, ac intra litoreos, pro

varia bituminis & salium copiâ ac virtute, nobiliora & ignobiliora succina generari certus sum.

C A P. II.

*Varia species rudium glebarum; Phænomena;
exterius annata.*

§. I.

IN glebis succineis formandis mirum Naturæ elucet ingenium, ut in lucem eduntur, pira, amygdalas, cepas, pisa, aliasque fructuum species, aut peregrinorum corporum simulachra, vario lusâ referunt; *Guttarum* his apud Electrotoreutas nomen, quum globosam figuram maximâ sui parte exprimant.

II. Major pigmentorum in crusta denudatis admiratio. Literata Naturæ Succina plura vidi: teneo in quo albescens linea flexu suo concinnè literam S. Latinorum efformavit, reliquâ frusti facie flavâ: Arabum ac Hebræorum characteres quædam ruditer exhibent.

III. Præterea arbuscularum, frondium, nubium, rudrum, aliarumque quarumcunque rerum delineamenta in succino variegato curiosus oculus adverteret.

IV. Est mihi pectoretenus efficta senilis imago, in ulna infantem reclivem monstrans; JESUS parvulus in Simeonis amplexu hærens animo obversabatur, quando primùm hanc Naturæ picturam intuebar.

V. Rumor increbuit, fidem habentibus Eruditis, Ducatum Belgii foederati insignibus & symbolo conspicuum intrsuccinum ductu Naturæ delineatum comparuisse. Ego vanum arbitror rumorem; neque cohærent quæ de nummo Auditores prodidere; alii Polonicum grossum simili Naturæ inge-
nio impressum tradidere; pari fide mihi incredibile videtur, illorum, quæ Prudentiæ consilio, artisque ministerio peraguntur, ectypa à naturâ animæ vi tali destitutâ reddita esse unquam, aut posse reddi.

VI. Cæ-

VI. Cæterum & quæ *succinis concreta* adhærent, memoriatu non indigna puto : Inter hæc Algæ vesicularis & tenuifolia rami, radicibus firmiter infixis, ex succineis glebis propullulantes invenient locum'; Tum silex parvulus, eminentiori liberâ, latiori parte succino obvolutâ : Alii glebae lamina ferrea agglutinata est : Et segmenta lignorum, conchylia, variaque alia adnasci contingit.

C A P . III.

*Animalculorum succino inclusorum,
accuratior demonstratio.*

§. I.

ANIMALCULORUM succinea funera, jam PLINIO & MARTIALI celebrata, intentiorem curam exposunt : ultra triginta species insectorum in meis succinis numero ; muscas, araneas, culices, formicas, papiliones, apes, millepedes, tere-dines, curculiones, erucas, scarabæos, cicadas, ex cornutis & deauratis aliquot, & quorum nomina memoriam subterfugiunt.

II. Sunt qui & perfectiora animalia succino condita memorant, ranas, lacertas, pisciculos. Quibus ut fidem habeam ægrè à me impetro, quamvis PLINIUS lacertam, MARTIALIS viperam succino tumulatam habeat; Sed & isto ævo pretii cupido artis fallacias intendere novit. HERMANNO decantata Ranæ & Lacerta sepulchra non uno modo mihi suspecta redduntur : Pisciculos fraude artis succino inclusos, jam aliis animadversum est.

III. Nativa animalculorum succinea feretra ab arte elaboratis illo maximè distingues, quod in ipsis non procul à superficie insecta implicita reperiuntur, in his verò meditullium occupant; scilicet artem non ita feliciter occultarent Electrotoreutæ, si extimas partes excavarent, illisque animalcula crederent,

rent, translucida enim succinea lamina fraudem proderet. Si quoque solidum, purum, nullis fissuris hians, nec crustarum compagē distinctum est succinum in quo sepulta sunt, illud non à natura fabrefactum scias monumentum; Pleraque enim glebae succineæ, quibus animalculorum exuvia sunt repositæ, id quod millies contutus sum, corticatum cohærent, aut fissuris hinc inde sunt intersectæ, ex quibus & pars exuviarum aliquando exterius conspicienda prominet.

IV. Neque omnium intra succinum reconditorum animalculorum par est conditio: Alia situ obducta, alia nitida, quædam succineo fulgore splendentia intueor: Duas apes & erucam, nidumque curculionis situs obtexit; scarabæus fulget; ex muscis quædam nitent:

V. Porro alia vivacitatem, alia langvorem præ se ferre; nonnulla quasi evigilantia, cum conatu vinculo isto se extricandi, conspicias:

VI. Quædam succina integrum examen insectorum, & ejusdem & diversi generis, involutum, commonstrant.

VII. Vexata hinc Curiosorum quæstio, quomodo succinum animalcula oppresserit? Non pauci difficultate quæstionis permoti fœtum arborei succi Electrum contendunt, quasi resinis aut gummi arborum adrepentia animalcula irretirentur faciliter: Verum absque experientiæ suffragio; neque in resinosis aut gummosis stillis hunc in modum, si rectè memini, inclusa insecta magno numero, si modo ullo, Curiositas hactenus detexit; extrinsecus adhærentia conspeximus, non ita fusō liquore obiecta.

VIII. Alios gravitas argumenti eò adegit, ut negarent esse quæ in succinis videntur animalcula; Phasmata, ludos istos dare. Sed fractorum aut sectorum inspectio hos refellit, manifesta enim insectorum supersunt indicia; Licet enim corpuscula animalculorum vis bituminosa ita subigat, ut fibris succineis intercurrentibus viscera condensata in lapidem indurescant,

scant, quando facilis per rariorem texturam insectorum effluviis succineis est commeatus, tamen corporis alieni habitum luculenter discernere datur, Apumque nostrarum exuviae, interaneis consumptis, istud ob oculos egregie sicutunt. Posset phasmatisbus etiam opponi, quod quidam viscera animalculorum in succinis distincte sibi cognita affirmant: Verum artis commentum ejusmodi succina concinnavit; quæ natura composituit, non ita discreta monstrant viscera.

IX. Funestos itaque casus, quibus infecta à succinis sunt oppressa, ut rectius percipiamus, repetendum memoriā, quod insectis usu veniat, si quando tempestatum aut hiemis injuriā compelluntur, ut cavernas & latebras ubique querant, inibiq; somno sepulta delitescant; id quod toties contuemur, quando muscæ ex rimis fenestrarum vetustate exesartum situ conspersæ subito prodeunt, hypocasti vel solis calore excitatae:

X. Quare quum & litorea latibula non unum genus insectorum subintret, in illisque aliquando hæreat invitum, aut obdormiscat, exhalationibus bituminosiss à calore subterraneo in laticem collectis, ubi in matricem succini, quæ latibulum ac dormitorium interea præbuit, liquor destillat, eadem implicat & obtagit, gremioque suo suscepta quando succinum evalit commonstrat.

XI. Contingit bestiolas in dormitorii istis à calore subterraneo excitari; aut in vivas fluor bituminosus impingitur; sed quum nullum vigilantibus patet effugium, eandem cum dormientibus sortem subire coguntur, ut tamen sortis tunc suæ in sepulchriss succineis relinquant memoriam; vivaciore atque animosiori corpusculorum simulachro.

XII. Firmat nostram sententiam istud, quod succino sepulta infecta pleraque sint ex illorum genere, quæ cavernas in dormitoria eligunt: majorem partem etiam languida ac somnolenta, aut mucosa transparent;

XIII. Vivacia, quæ cum nisu obluctantur, aut alas expandunt, abitumque parant, rariora puta. Sed tantam vivacitatem, quæ amoris æstu in coitum animalcula concitarit, ut isto nexu cohærentia succineus latex involvisset, hospitio huic subterraneo minimè convenire autemo; Quare quæ culicum muscarumve istos hymenæos ostendunt feretra suspectis ad numero.

CAP. IV.

*Vegetabilia succino inclusa; mineralia,
itidem; & aqua.*

§. I.

Obvia sunt cuivis succina quibus animalcula continentur, speciosiora alia depromam, quæ plantarum germina sinu suo obvelant.

II. Est mihi in quo explicata algæ vesicularis folia *alas Aquile expansas & pedes cum corpore utcunque adumbrant*: Aliud *semen tiliæ, stipitisque partem; aliud folliculum diductis foliis hiantem, quatuorq; semina complexum, ex quibus apex medius exsurgit, caulinulo ad superficiem protenso & prominente*; Est quod *muscum*, in pergulæ seu porticùs hortensis speciem, fornicateis operibus compositum obtutui sistit: In alio *flosculus* minimus marcescens, in altero *rosmarini silvestris*, Prussis *Dorsch* dicti, ramulus tribus foliis divisus, transparet; Rude aliud *algæ memoratae vesicularis* ramum majorem per corticem non politum ostentat.

III. Plura ex *muscō villos disjectos* obtinuere: Nobile, autem illud, in quo pars *albescens convallē & colliculum musco investitum exhibet, sed per speculum quasi, quando ex flavo ignei coloris succino* huic amoenissimo spectaculo mirabili naturæ artificio *quasi vitrum est objectum*, per quod mucosi apparatus delicatior esset aspectus: Nec vile alterum aqueo lactescens

scentis coloris, quod *villorum muscosorum crispata congeries nobilitat.* Spectabiliora hæc herbarum succinea monumenta, quam illa animalculorum censeo.

IV. Major copia *corticibus, lignis & festucis intertextorum, festucæ pineæ videntur, specie istarum quibus formicæ acervos exstruunt;* Verum accuratori examini *fossilis ligni ac corticis momenta patuerunt.*

V. Ex minerali regno quoque adducenda, quæ succinis inclusa: *Vitriolum* sæpius, saporis promptè dijudicandum; *pyrites* quandoque; *crebrius ferrum,* de quo Electrotorevtæ conqueruntur, quod non nisi cum detimento instrumentorum educatur: *armatura quoque aurea & argentea,* divulsis coagmentatis partibus, in impuro conspicitur.

VI. Sed & *aqua guttas* intro receptas diversis alveis stagnantes succina detinunt: qui effluit liquor falsus aut subsalsus, aliquando & insipidus. Non exsiccati, ab aliis cum luna crescere & decrescere liquor traditur; habeo in quo exsiccatus est; habeo in quo perennat semper idem.

VII. Quæcumque autem ex plantis, mineralibusve succinum complectitur, casu haud ablimili, dum in matricem illapsa sunt, à fluore bituminoso obsessa atque occupata inteligo.

VIII. Aquearum guttarum intra succinum occlusarum singularis ratio cogitanda: Udam matricem calida bituminosa, exhalatio obsepsit, intro compulsa aqua à calore subterraneo consumi nequiiit, & ob copiam circumstantis bituminosi lati- cis nullam rimam quâ diffueret invenit; præcluso itaque exitu, captiva se includi passa est; conatum elabendi, quando in arctum coacta fuit gutta, manfestis indiciis quædam glebae produnt.

SE-